

etiam pons antiquissimus est quinquaginta perticarum longitudine.

Siang mons altissimus atque latissime diffusus, ita agris campisque distinctus est, ut planicie haud ita multum cedat; prope Queiki est, plurimi in eo sunt pagi. Ibidem est Lunghu mons ex nominatis ordine trigesimus secundus, draconis & tigridis nomen habet, duos enim in altum attollit vertices, quorum unus alium velle videtur op primere: superiorem Lung, hoc est draconem, inferiorem Hu, hoc est tigridem vocant.

Flumina. Xangjao flumen ad urbis Boream fluit, ejus origo in Joxam civitatis montibus est: inde ad Austrum urbis per ejus territorium fluit, multisque locis superatis Poyang lacui se miscet.

Quarta Urbs N A N K A N G.

Rerum copia. Acui Poyang vicina jacet hæc urbs, ad ejus nimirum occidentalem ripam: hic medium illius regionem secat, ac in duas dispescit partes: tum à montium, tum ab agrorum fertilitate multum laudatur à Sinis; omnium enim rerum ingens copia hic producitur, campi oryza, frumento, ac leguminibus luxuriant, montes præterea ligna ubi culti non sunt subministrant, lacus ac flumina piscibus totam regionem ditant; quatuor regit urbs civitates, 1 Nankang, 2 Tuchang, 3 Kienchang, 4 Gany. Fuit olim Regum Çu, Cina familia Kieukiang regioni adscriptis, Hana familia Pengce dixit, Tanga familia Kiangcheu, hodiernum nomen habet à Sunga.

Anachoretæ. Multa superbissima habet fana, sed præcipua sunt in montibus superstitione cultis Quangliū & Juenxin, in quibus innumeri degunt anachoretæ & sacrificuli, quos haud immerito dæmonis martyres aut mancipia jure dixeris. sua quique in ædricula corporis afflictionи maxime ac constanter ad stuporem usque dediti sunt: credunt post hanc vitam felicem se aliquem statum assecuturos, cum nimirum corpora mutaturæ sunt animæ ex illorum sententia: si tantum pro vero Deo facerent, plane antiquos illos nostros anachoretas poenis ac cruciatibus sponte suscepisti aut æquarent omnino, aut superarent; tot in monte Quangliū ædicularas esse ferunt, quot sunt dies in anno. Inter prodigia etiam illud hic haberit solet, quod mons

ille sereno ubique & circumquaque cœlo, semper nebulis aut nubibus oppletus sit, adeo ut ex lacu ægre admodum videri possit, licet illi admodum vicinus sit. In iis montibus multa fana sunt idolorum mole ac multitudine admiranda. pons etiam ingens totus ex secto lapide, qui vallem suis forniciis, arcibusque sublernit; haud procul hinc abest ingens monasterium Queiung dictum: producit hæc urbs etiam cannabim, ex qua vestes æstivas contra calorem ac sudorem aptissimas texunt.

Quangliū mons est ex nominatissimis *Montes.* ordine octavus: ad Barrolybicū urbis est, & quingenta stadia occupat, in eo anachoretæ sunt, quos supra recensui.

Prope Tuchang mons est Juenxin, ex nominatissimis *Flumina.* ordine quinquagesimus primus.

Poyang lacus ad urbis Notapeliotem pertinet, hic ejus latitudo stadiorum circiter quadraginta est: longitudo trecentorum esse stadiorum à Sinis perhibetur.

Lien fons ad urbis occasum est, cuius aqua velut pannum ex argenteis filis contextum lapsu suo refert, & exinde triginta efformat riyulos: aqua hæc censetur apud Sinas præstantissima.

Quinta Urbs K I E V K I A N G.

Kiang f. Kiekiang urbs ingens est, & emporium nobilissimum, ad Kiang fluvii Australē ripam jacet, eo in loco ubi cum aquis magni Poyang lacus concurrit: *Navium* quanta hic asliduè navium sit copia ægre *copia.* credet, qui non viderit, ex hac enim urbe ad mare usque patet exitus, atque isthuc pleraque naves pro transitu convenienti. Licet autem à mari centum plus minus leucis urbs hæc absit, multi tamen ad illam mari capiuntur pisces, acipenseris, delphini & salmones; quin & æstum maris, præcipue in pleniluniis & noviluniis sentit: cursus autem fluminis hinc ad mare adeo lentus est, ut vix animadvertis, aut observari oculis possit, unde perfacile est sublati velis in omnem partem navi facere iter, atque ex hoc magnus Takiang in Yangcukiang nomen mutat, quod maris filium fluvium sonat, & per *lius ma-* antonomasiā, vulgo Kiang dicitur, ve*rū.* reque magnitudine ac fluctuum mole parentem suum quam proxime imitatur: ad milliare Germanicum ejus plerumque patet